



西華縣志卷之八

文林郎知西華縣事宋 恂重修

人物志下

孝友
隱逸

儒林
文苑

義行

孝友

漢丁蘭河內人少亡母刻木為母像朝夕進食妻惡之
俟蘭出以斧破木見血焉妻大驚蘭歸抱哭欲絕

南北朝殷不害字長卿陳郡長平人也不害性至孝居
父憂過禮由是少知名家世儉約居甚貧屢有弟五
人皆幼弱不害事老母養小弟勤劇無所不至士大
夫以篤行稱之年十七仕梁為廷尉平長于政事大

西華縣志

卷之八

人物志

一

同五年兼東宮通事舍人時朝政多委東宮不害與
舍人庾肩吾直日奏事梁武帝嘗謂肩吾曰卿是文
學之士吏事非卿所長何不使殷不害來耶其見知
如此簡文以不害善事親賜其母蔡氏錦裙襦氍毹
被褥單複畢備侯景之亂不害從簡文入臺及臺城
陷簡文在中書省景帶甲將兵入朝陛見過謁簡文
左右甚不遜侍衛者莫不驚恐辟易惟不害與中庶
子徐摛侍側不動簡文為景所幽遣人請不害為居
處景許之供侍益謹梁元帝以不害為中書郎兼廷
尉卿魏平江陵失母所在時甚 死者

不害行哭 不

擇視舉體凍僵水漿不入口者七日始得母尸憑而哭每輒氣絕行路皆爲流涕卽江陵權殯與王褒庾信俱入長安自是蔬食布衣枯槁骨立見者莫不哀之太建七年自周還陳除司農卿遷晉陵太守在郡感疾詔以光祿大夫徵還養疾後主卽位加給事中初不害之還也周留其長子僧首因居關中禎明三年陳亡僧首來迎不害道卒年八十五不害弟不

佞

南史本傳

不佞字季卿不害弟也少立名節居父喪以至孝稱好

西華縣志

卷之八

人物志

一一

讀書尤長吏術仕梁起家爲尚書中兵郎甚有能稱梁元帝承制授戎昭將軍武陵王諮議參軍承聖初遷武康令時兵荒飢饉百姓流移不佞巡撫招集襁負而至者以千數會江陵陷而母卒道路隔絕久不得奔赴四載之中晝夜號泣居處飲食常爲居喪之禮高祖受禪起爲戎昭將軍除婁令至是第四兄不齊始之江陵迎母喪柩歸莖不佞居處之節如始聞問若此者又三年身自負土手植松柏每歲時伏臘必三日不食世祖卽位除尚書左民郎不就後爲興王諮議參軍兼尚書右丞遷東宮通事舍人

廢帝嗣

為太傅錄尚書輔政甚為朝望

所歸不佞素以名節自立又受委東宮乃與僕射到仲舉中書舍人劉師知尚書右丞王暹等謀矯詔出高宗衆人猶豫未敢先發不佞乃馳詣相府面宣敕令相王還第及事發仲舉等皆伏誅高宗雅重不佞特赦之免其官而已高宗卽位以為軍師始興王諲議參軍後兼尚書右丞俄遷通直散騎常侍右丞如故太建五年卒官不佞兄不疑不占不齊並早亡事第二寡嫂張氏甚謹所得祿俸不入私室長子梵童位尚書金部郎

南史本傳

西華縣志

卷之八

人物志

三

唐殷寅舉宏詞為太子校書出為永寧尉吏侮謾甚寅怒殺之貶澄城丞病且死以母蕭老不忍決及斂其子亮斷指剪髮置棺中自誓事祖母如寅在其後侍蕭疾不脫衣者數年有白燕巢其楣後終給事中杭

州刺史

按寅乃殷踐猷少子此在唐書殷踐猷傳中

元張厚家族四十五口五世同居事父母至孝家廷之內無間言詔其鄉為孝懿鄉

明朱天賜事母孝家雖裕必躬自舂磨而後進偶家人仍聞磨聲視之則磨自旋轉不人力十喪妻以有子遂不再娶亦

金

颺與

免賊憐之不加害 母張病革醫謂糞苦

之味甘泣下沾襟順治乙酉拔貢以州同 任孝

縣丞邑地高少水以此致訟裔相地鑿泉通渠

利旋署汾陽事政簡刑清邑舊有虎害未三

渡河而去邑人 爲神君嘗聞有至行者化及猛

信然

王有嚴字元照本西華人明 避難 陳州中康熙

副榜歸本籍性 少喪 踰禮母劉氏

西華縣志

卷之八

人物志

四

臥病十年嚴晨夕左右曲盡 事伯父多士亦誠

敬兄睿邁危疾嚴謹奉調護寢不解帶四十餘日三

世同居怡怡一堂鄉黨稱之

朱宏業甫就塾卽遭明季之亂河陽砦豪橫欲殲朱氏

業與兄廣伯潛養其母於汪姓家棄家貲奔竄惟奉

父遺像以行備嘗坎壈不置也未幾旋里昆仲悉爲

所屠宏業鳴之於官卒正國法乃折節讀書問字於

杜鉉之門母遭喪亂多疾宏業拮据醫藥母愈如初

乃于城西倉頭砦奉 水之歡其父遺像猶存出

以示其師筆 宛 無慈杜鉉爲之傳其事守身之

孝誠無忝云

陳淳性孝父鵬舉康熙丁酉舉人母王氏壽皆八十餘非急故不離親側家雖貧門內藹然因親老習醫口胗視進養和之劑父母歿遵文公家禮不用浮屠音樂以哀毀過甚成疾卒

以上採訪

趙華本睢州人康熙年間奉其父母徙于華賃耕王立德家甘旨奉親以糠粃自咽鄉人異之遺以錢粟不受間有不能却則施茶飲渴爲親祈福親歿卜地地主不受值百計致之乃塋蓋非其力不以塋其親也塋日大雨雪寒甚掩坎後以一蓆自蔽臥墓旁其女泣挽之勸歸不可乃窖地結草廬居其中三年朝夕哭奠畚土增墓長女適牛氏性亦純孝念父廬墓憂泣而卒

金含章字文孫天性孝友康熙辛酉施閩章奉使中州重其才品欲爲納貲就試堅謝之補邑庠父康裔官孝義丞以疾歸臥榻數載章躬親藥餌無間晨夕父止之終不離父側兄死子霞錦甫四歲章具棺塋兄撫其遺孤授室焉雍正四年舉孝廉方正大中丞以敦倫砥行綽楔其門

以上府

康熙乙卯武舉効力兵部數年將 廝守

辭歸奉其母猶有孺慕兄圻隆任蒲圻令以年老里翰事之甚謹每食視寒暖出搯几杖圻隆曰吾兄弟皆老矣子姪已長成弟何必爾翰曰吾兄也恭敬不衰隆歿慟甚撫其子如己子且周其宗黨以化鄉閭邑令李培初政頗苛翰一言而李尚平允其道人以善類如此年八十餘卒

宋洪禮父病痿痺手足不仁禮負親出入晝夜侍側數年不怠父卒泣血三年不飲酒茹葷竟以過哀兩目晦盲邑令介錫齡旌其門

胡令章字苞生胡然子也孝秉天性父患沉疴章目不

西華縣志

卷之八

人物志

六

交睫衣不解帶者九十九日家人爲之感泣邑人理鬯和受業於然理殉節後章又厚事其母生養死葬靡所不周所云愛其親而能愛人之親者其令章之

謂歟

以上探訪

李作楨庠生安和子孝友醇篤父疾劇倉皇號泣祈天身代父病尋愈父偶出游必奉杖以從不假僕隸手歲試父予告先出楨左右四顧不覺失聲學使聞而異之遇鄉鄰之孝者不惜錢粟以助同里張其林家貧善事母一日市肥鮮歸李問之知爲養其八十老母也贈糧四石錢數緡林亦以孝著

何新書世居沙水北岸張李堤與妻楊孝其親沙水夜
泛村當其衝水決時人皆倉皇棄廬走何母猶在殯
新書夫婦抱棺泣弗去俄見棺浮動乃共持棺大哭
少遲寂然衆謂已歿于水詰旦搦舟往左右村舍盪
激無遺惟何舍巋然獨存大柳亘其前擁沙成堤新
書夫婦猶憑棺困寐若不知在洪波巨浸中者衆嗟
異之

徐崇文家貧力學教授里中以養父母母歿數勸再娶
父不可文侍養十六年未嘗暫違膝下弟久析產少
亡子未睟恐貽父憂卽撫育之遺產八畝積所穫廣

至百畝以付之病且革猶諄囑其子曰善祝弱弟乃
卒

趙得弼性淳篤親邁危疾醫藥弗效弼乃割股療之疾
愈邑令旌曰孝行可嘉兄弟析產時取其嗇者少裕
則以助婚喪之乏邑令歸鴻復旌之曰錫類開祥子
芝事弼亦孝弼嘗炎暑飲還傷于瓜腹瀉甚醫疑莫
救但云糞苦乃可治芝取啖之有腐瓜氣乃悟一藥
而愈鄉人有欲舉其事者芝堅謝乃止其不慕名如
此

王之幹甫生一周 母程亡嫡母金撫之甚慈有睨其

產者交訐之將危 金 至外家十年以免後訟子
官復其業生計日促幹勵志于學授業里中以養母
未幾母亡幹痛其苦節憂勤死未及旌年爲憾列行
狀泣告當事乃 其贈篇輓章爲旌錄匍匐公庭求
入邑志學使張以幹純孝可風金苦節撫孤檄入邑
乘焉

李良景父喪哀毀滅性事母曲承意旨母憂外家無栖
止未嘗語人景微伺其意卽舉市宅一區值數百緡
者贈之以悅母母歿與仲弟同居二十餘年友愛倍
篤無私蓄亦無間言生平遇人多惠親族待以舉火

西華縣志

卷之八

人物志

八

者甚衆又延醫拯邵星田之疾苦病痊厚贈遣之皆
其至性所及也以子長發贈文林郎長發任廬江知
縣稱循吏親老辭歸百姓攀轅臥轍答曰對諸父老
尤念吾親吾不忍與諸父老別何忍與老親離也聞
者泣下歸里後朝夕承歡猶有孺慕父卒遂不仕

以上

府志

凌琦字魏公邑庠生母病號泣嘗糞父疾時侍百餘日
不怠遂以積勞嘔血不自惜也父疾甚具詞禱隍廟
甚哀願以身代兄早殤終身祭掃其孝友如此常買
鼓祥麟二子爲僕以祥麟衰老無依放還二子

值子去矜性亦純孝少失母育于庶母李氏事李誠篤父喪殯中堂失火柩將不保矜號泣跽火旁願自焚以全父柩俄而火息柩無恙雍正十三年士民公舉德行邑令表其門曰德孚鄉閭

王均字治平遵訓曾孫少孤刻苦勵學學使湯右曾奇之性至孝常以不及事父母爲憾往往中夜哭泣雖至密者未嘗聞其嬉笑聲年二十五卒有詩文二卷

以上
採訪

王步月年七歲父母繼歿育于從祖常以不逮養親憾焉事從祖竭盡孝道從祖歿服三年喪祖母某氏當

西華縣志

卷之八

人物志

九

流賊破陳時自縊以殉傳聞以闔扉座莫知其處月乃焚香告天任意啓之果祖母座處闔扉宛然乃改塋人以爲誠孝所感雍正三年選立農官鄉人以其孝而老于農也舉以應授八品頂帶

李大耀字念育候選鴻臚寺主簿母早亡繼母捺家政甚嚴肅耀善承意旨恒嬉笑母側以娛母或逢怒則長跽引責母不命不起起則仍嬉笑以悅其意母以是益愛憐之弟文耀卒撫從子甚于所生孝友之性老而彌篤承父志捐學田建名宦鄉賢祠又推其仁孝之性以及于人 災貸六百金復修補衍疇書院

及搬罽口橋梁費數百金乾隆三年舉鄉飲大賓
張玟貢生奉母周氏至性弟三人俱幼教養勤篤以成
之內外無間邑令旌其門以上府志
高勲太學生父母早亡弟三人俱幼勲撫養成立完室
季弟亡無子以已子嗣之

高鼎鉉增廣生員六世同居族人高廷弼高海幼孤無
依謀其衣食復出金以完其室家同姓中凡處危難
者多維持調護之宗族懷其德鉉歿後爲之成喪服
者數人子惟修敬修父病時並願施地以禱敦友于
之誼食必同席出則必俟其歸乃食家所蓄犬有一

不至者衆犬皆不食里人慕之凡有爭競者悉赴懇
惟修兄弟以剖曲直鄉黨不涉訟事者六十年子孫
世守遺訓舉家百有餘口不析產業相對從無勃谿
訓子必以義方課讀不輟以是入庠序者指不勝屈
張相君與兄相主同補博士弟子員友誼甚篤同居幾
五十年怡怡恭順兄暮年游歸子姓益蕃始析居相
君以已腴田四百畝奉兄爲膳又贖關好賢鬻女以
完骨肉賑鄉黨匱之以濟歲凶邑令范旌之族姪靜
正設義塾修橋梁 族弟金邨梁姓喪人稱其好義
生員馮有嚴年逾八旬五世同居內外百餘口無

王盡孝爲生員李完珍佃人母患傷寒思肉家貧不可得遂割股作羹以進之母病遂痊又年餘母歿盡孝廬墓一載生員李百川高其人捐資立石于墓以上採訪郭世傑門戶單弱娶妾生子而殤傑靖父娶妾以廣嗣續父母不從傑力爭不已父乃娶妾果得子傑提携保護維謹既長延師課之父有舊交劉姓家貧暴卒傑以父之知交備棺以葬里人稱焉

張才實號前塘自渠祖以及其孫五世同居舊志

生員張秉彝性至孝能雪父冤復父死後之衣巾舊志

張應享親歿廬墓三年舊志張景昭母卒廬墓旌表省志

西華縣志

卷之八

人物志

十一

朱世家親歿廬墓三年舊志

儒林

後漢穎容字子嚴長平人也博學多通善左氏春秋師事太尉楊賜郡舉孝廉州辟公車徵皆不就初平中避亂荊州聚徒千餘人劉表以爲武陵太守不肯起著春秋左氏條例五萬餘言建安中卒後漢書儒林穎容傳
明張善繼字昇字御史善政之弟萬 癸卯與善政同領鄉薦而名在善政前赴宴以中式次第爲階善繼以弟不先兄請之試官遂讓席官吏嘆息稱羨有以宋祁兄弟同榜事比者一時以爲榮由是發憤力學

明季縉紳多務虛名競驕奢善繼獨布素有儒者之風歲已未善政舉進士善繼不售得報殊喜以爲但得一第以光先業足矣其生平抑抑自下居宜山之陰衣木棉鼓梓琴無意仕進晚年學易鈞深索微遠近學者多師之稱爲昇宇先生嗣子若星載方伎張善教字民愛少岐嶷有志年十二入庠年十七中萬戊子舉人勵志於學手不釋卷尤精于易鈞深致遠不蹈京房王弼之失一時學易者多宗之卒年十九士大夫咸歎惜之

胡然字亦然明季爲諸生有時名數竒不遇乃棄去肆

西華縣志

卷之八

人物志

十一

志載籍士人多從之遊其門人理鬯和爲最著遺詩有十年問字舊侯巴之句邑人尙寶卿王鼎鎮立石表其墓云緬彼芳踪聲音在耳亦夷亦惠不衫不履嘯傲煙霞跌宕文史所著有湄園詩集嘗構園河干讀書自娛號曰湄學者稱爲湄園先生

以上採訪

王夢龍字仲雲由明經任鄭府教授自諸生至宦遊登高眺遠躡勝探幽雖家徒四壁泊如也姊婺居夢龍迎養盡禮天倫篤摯不愧古人好讀書手不釋卷枕經薛史鈔紀至七十餘部晚年著醒心纂異二卷

府志

國朝金闕望字翰恒邑庠生明崇禎時荒亂依其外父郭

東華攻苦讀書土寇蠡起避居提城寨晝習武事午夜呶唔不輟人謂足當樓頭更鼓後復避亂潁川靳海名苗沾膏輩師之從遊日衆

國初靖亂仍歸故里設帳幾三十年門下多知名士以大義引掖後進晨夕媿媿不倦爲人剛直好義卹孤瞻貧息爭止忿與之游者無不化而爲善

採訪

張景文字穆饒十九而孤身經喪亂

國初乃復業痛親不逮養恒置主于寢晨興必拜凡祭必哀學以濂洛關閩爲宗几杖戶牖悉書古訓以自勵其教獎後人亦若此嘗元旦集媼族鄉隣男女來賀

西華縣志

卷之八

人物志

十三

者爲講小學內則由是歲以爲常雖邨童牧豎無不以張先生稱之初師雲谷後執經于張上蔡其學益醇而行益篤張仲誠稱爲千古眞士非溢詞也

續縣志

師眞儒字教可天性孝友性行醇朴年十五知志學卽以聖賢爲趨思修身揚名以致其罔極之懷時流寇倣擾中原所至屠戮如羊豕儒乃纍纍負書奔竄賊見之屢笑其迂釋之竟以是免于難

定鼎之初師資無人獨苦志沉思疑而哭跪而讀必求通解乃已嘗結廬沙水隄畔戶標駢語云家有半鎊堪賁字室無四壁不知貧聞張仲誠先生上蔡乃裹糧

往從深爲獎進嗣是數過存于華必留旬月乃去師
儒所學益醇必本于躬行實踐著學庸講一洗章句
陋習四方從學甚衆則解推以成其學廣藍田呂氏
鄉約結社里中遠近鄙薄多化之者彌留際猶羅列
羣書榻前手握周易指方寸語門人曰惜公等昏睡
時余不能舉以贈之耳語畢溘然而逝

續縣志

李璣字象乾少習舉子業爲諸生始事雲骨子爲師講
學必本于躬行復游張仲誠之門敬守其學述師訓
云學以立志爲始基存省爲要務明經爲專業嗣是
益肆力于儒先語錄以博辨之而著察于日用行習

西華縣志

卷之八

人物志

十四

學益進造益深不治生產耻言利達唯日與正人端
士譚儒先語類以爲常弟珔服習兄教棄其帖括業
而篤志于聖賢質疑問難頗有涑水遺風耄年尤于
夏峯先生深私淑之志云璣又別爲周易旁訓極簡

明惜未策行

續縣志

王斌煥字子謙游雲骨子之門潛心力學事其師數十
年雲骨子歿治葬禮心喪三年歲時伏臘祭掃盡誠
曾中武科非其素志尋棄去以所學訓後進大抵先
德行後文藝深以弋取利祿爲戒負笈從游者日衆
至隣舍不能容晚年踐友約走燕都卒于客邸戶曹

奭經 之歸其喪邑人題其墓曰道學王

參續縣志
及採訪

秀字宣璧一字太拙子幼而穎異十歲始就塾不
二載四子書五經皆成誦見架上有資治通鑑心慕
之自是四方鬻書者至必請于父購焉或不遂則泣
請于母必得之而後快當明季之亂藏書厄於兵燹
收遺書于灰燼之餘避亂洄窩爲土寇劉君舉所獲
陷賊中讀書不輟君舉夜聞呬唔聲詰得姓名大嗟
異明旦釋歸自是旅寓河陽留心古今秘笈搜得之
諷咏忘倦或筆之於紙手錄成帙著述甚多其最大

西華縣志

卷之八

人物志

十五

者爲世史直筆十七卷忠烈傳十二卷世史直筆以
常熟史叅之李大蘭類編做紫陽綱目體例忠烈傳
義主忠烈而附以孝義清廉二稿藏于家世罕知者
兄養元應元弟呈錦允元並與呈秀輩聲譽序以博
雅稱其曾孫泰垵元孫陶斯亦好學能文章爲邑諸
生有時名

張文桂字牧若一字槎菴爲文奇麗雄放受知于祭酒
張榕端後以家門多故發憤應試癸酉科力疾入闈
果中式所學長于周易有大易了然二卷往往發前
人所未發年逾三十而卒

金 振字文伯食餼于庠有文名郡守目爲國士復業上蔡張仲誠學益進自六經蘊奧與夫諸子百家靡不燭照數計提要鉤元惜其數竒不偶教授里中而未竟其用遠近學者多從之所著有聚德集曰知錄訓倫規諸書

程起鳳字來儀世居西華清水鎮性至孝幼有夙慧父養吾竒之七歲能辨四聲伯父春雨授以古文過目成誦年十二父病願以苦行祈禱三冬赤脚冰雪中不知皴凍遠近以爲異十五就外傳於書靡所不讀下筆數百言揮洒如飛銳志于學嘗叩虛守靜則怡

然如有所得聞邑中杜象三先生講程朱之學往師之究心于性理諸書盡吐一切粹如也鳳始以父老母疾難違膝下不能遠游求師厥後親歿塋畢携一老僕策蹇扶病謁徵君孫竒逢于夏峰時疾甚不能拜跪使僕代之留百泉旬日歸數日而卒

王遵性字子率戶部侍郎王遵訓弟幼爲諸生不以門第自高下帷攻苦試輒冠軍仇滄柱張朴園甯觀齋諸前輩亟稱之居恒手不釋卷一時從遊之士至學舍不能容鄉黨忿爭來質者未至輒返曰寧不自慚何以瀆爲也家居與鄉飲者一所著有圭窻漫載八

卷一樽集四十卷南郡秘書二十八卷闌干外紀
卷藉書急抄一卷小演二卷工書法得鍾王筆意
張世道字子厲家貧力學酷嗜真氏大學衍義馬氏文
獻通考諸書志節高邁途中有遺錢若干世道遇之
若弗見者士人以爲有管寧鋤金之風嘗應試歸過
孫家嘴爲豪強家童僕冤死處鬼聲甚哀世道曰我
知爾屈爾知我直故相告耶然已無可奈何矣害子
者之報當不爽也子姑待之鬼卽止聲道亦嘆息而
去後爲邑令作贊學使見而異之急欲拔取入庠時
年六十矣未試而卒

胡倣字溯遠性嗜學聞上蔡張仲誠講學大梁書院不
遠數百里從之博覽羣書尤精探經史抉幽摘微發
前人所未發課授生徒著述自適年及耄手不釋卷
其行文一宗成弘簡易平直以是不售邑令饋之粟
時爲存問秉鐸王漢陽延之臯比執弟子禮焉所著
有方韻相轉天文考僞比隱游草集質疑六冊諸書
藏于家門人李完璧爲刻四書質疑行世子瞿雍正
癸卯舉人性醇謹好學

英字誠子德量冲和穆然有風爲邑諸生篤

以

傳父歿析爨推產讓兄英授徒以自養修脯之
以周兄性廉介不苟而接物和煦不見有傲慢容邑
中舉月值者事與侯人等衆不屑爲英請爲之曰此
不可以行教化耶晚年設家塾講學從游之士於其
舍旁築舍以就學知縣歸鴻賢令也欲舉爲孝廉辭
之遂顏其齋曰浩然尙志齋年九十三卒

胡希賢字捐修好古力學爲諸生每慨時學之陋必求
古人所爲學者安在嘗告其門人曰聖賢非有他異
祇此不忍自棄之一念充之卽近矣生平規行矩步
雖婦孺亦知敬之家素貧然歲時家祭不因貧而殺

西華縣志

卷之八

人物志

十八

禮雖盛暑燕居衣冠儼然對家人未嘗有惰容年六
十卒

王多士字思皇幼而好學年十五陷闖賊營猶誦讀不
輟尋以智脫歸益肆力于學精通古今事變講學以
程朱爲宗學者師之以歲貢秉鐸莘野母病致官歸
有洗心齋詩集行世子睿以明經入太學與其兄弟
有嚴輩道義相規怡怡白首云

楊安辯字巽行本姓周氏祥符諸生寄籍華邑性至孝
好古力學能讀父書父聖化康熙壬戌進士官陝西
秦州知州戊寅西陲用兵飛輓軍儲聖化不能應累

帑罷官滯秦州辯乃北赴燕趙南走閩越力圖完帑
卒不可得聖化歿于秦又十餘年辯始奉父旅榘塋
西華痛其父歿于患難歲時不受兒女拜賀終身衣
冠用素杜門謝客不妄交游其文薈萃儒先不事雕
飾讀書遇忠孝大節則舉以示其子姪遇後學必以
先儒格語相勸勉晚年自號爲山主人大中丞疏荐
博學宏詞以疾辭尋卒年六十有九學者稱爲山先
生著述有瓢斟集襍著易說二卷隴西漫記一卷西
華續志四卷子仲遠乾隆癸酉經魁

胡澗字激波生有異質九歲能屬文塾師奇之弱冠入

西華縣志

卷之八

人物志

十九

庠攻苦力學寒暑無間家貧膏火不繼爇薪讀書試
必前列應舉不第歸而授徒以筆耕自贍晚年始貢
入太學人爲扼腕澗處之恬如也與楊爲山張醇民
張可庭善醇民疾革握手訣別以幼子爲託澗許焉
於是醇民子遠覽爲山子仲遠皆受業于門訓誨如
子姪二子學皆有成選貢成均淮寧錢廷文亦執經
問奇字今以古學擅名皆澗之教也嘗率族人修譜
以示後多所撰述卒年五十有八所著詩古文詞若
千篇藏于家滌菴其自號也學者亦以是稱之

以上探訪

義行

明李貫肥鄉縣儒學教諭李真子少孤善事母篤友于之誼和睦宗族好施予永樂間歲大稔出粟千石振其隣里全活甚衆有司以聞授義官嘗權邑巡司奉公守職子蘭邑庠生有父風李氏至蘭五世同居內外雍容無間邃於理學執經從遊者甚衆所著有周易詳說雜文錄曾孫嘉謨任鞏昌府學教諭有文名李表貫之從子也事親純篤且敬其從父從母尤好周貧乏鄉黨疾病死喪必捐貲助之成化甲辰歲饑表出粟八百石濟荒民賴以生有司請于朝授義官後以疾卒本縣教諭王鵬訓導方玉撰文誌其墓以上採訪

張調元性至孝少事父君愛唯謹入爲文華殿中書豐於貲里人嘗貸之久而盡焚其券庚辰歲大儉人相食平價賣粟千石多所全活鄰寇氛震知城不可守預與同志者絕河而北人服其先幾之哲焉舊志

何宏正統五年邑大饑宏田麥千石以賑張貴亦出麥八百斛助之全活甚多詔建義民二坊府志

謝以慶萬歷間舉人筮仕虞城訓導捐金濟貧生典已田以行惠遷贊皇教諭時有生員路振飛家貧力學慶愛其才召至官舍爲之娶室教以行文之法振飛進士及第位列崇階贊皇傳爲美事其施德如此

王文生字蕙叔慷慨有氣節師事邑人胡然其師遇疾
興然子令章躬侍湯藥不去衣冠者九十九日士人
義之崇禎壬申水大發城不沒者三板歲稔饑殍相
望于道生乃招商賈百艘並至穀價大平活者萬計
辛巳五月大疫令章病於郭文生亦得疾忽報寇至
舉家皆奔生力疾負章入城避寇獲免居常聞人爲
善必曲成之不義則深惡痛絕以是爲不肖所詬厲
然邑之士大夫無不慕其爲人與理鬯和並稱云
金楫字航生個黨豁達揮金赴急瀝胆同人無倦色明
季歲大稔傾篋與士庶人人虛往實歸待饘者肩摩
華廬舍盡毀惟楫室巋然獨存

塞衢無不飶也以寇氛日熾發憤嘔血而卒寇陷西
國朝王經道農民也王者卿族兄明季喪亂者卿歿于疫
子玉秀甫二歲妻張氏奉其姑以守邑中寇騎充斥
不能安居經道與者卿僕賀成護其母妻幼子避難
山東後復往扶溝安于張氏之母家十餘年玉秀歸
里族衆思佔其產道挺身爭執還玉秀鄉黨以爲義
賀成亦忠于其主當避難時置玉秀于筐肩負以行
艱苦萬狀一日成覓遺物失後賊兵至張氏保其姑
不及顧子棄于道旁叢葦中賊去成追及詢其主母

之矣

主耳主存亦存主亡亦亡失幼主何避爲急尋道得之始終保護以復其業玉秀旣壯感其義分已產與經道並賀成以報之

學生李瑞字素培性磊落有遠識懼明季將亂乃預爲禦侮計罄產業半堅築磚寨一周厚積倉儲以爲一方藩蔽自崇禎十年歲比不登流寇蜂起民無寧宇有赴寨避亂者瑞發積粟以食之男婦數千人賴以存活及闖逆破城瑞度不免因率親口數人掉舟入鎮江願隨者聽不願隨者諉之以寨與倉粟迨

朝定鼎始旋里安集離散以已田勸人開種檢拾遺骨厝埋感戴流涕者咸以恩德歲君尊之年七十六卒貢生候選州同李和春字太徵瑞之子也明季時瑞築寨避難凡赴寨就食者千餘戶瑞皆留養春亦方周以成父志後闖寇入城隨父之鎮江及朝定鼎旋里歸養一堂之上藹如也性慈良好施予縣治初平人民凋敝縣之錢糧悉諉衿士催収有係縣之中平戶績逋百金春屢催不納一家夜半見數四小人繞榻前叱之不後入院內見然

三十 使備葬 也不面而回卽代甲完納并助
春於周口集小河姓名春終弗道也康熙二十五年
行者他若濟人窮口捐銀千餘兩設板橋一座以
八十五而卒 困完人婚姻諸善事不可勝紀

張善治御史張善政從弟父疾三日不食治倉皇憂遽
亦不食篤于兄弟尤講敦睦之誼歲饑出粟煮粥活
者甚衆族黨德之流寇圍城治南郭有積糧五百石
恐其就食以火矢焚之賊遂解圍去又數年寇破華
居人盡逃治獨正襟危坐不去賊聞其名畏之不敢
加鋒刃後避亂睢陽復移河朔賊平歸里年八十餘

西華縣志

卷之八

人物志

一二十三

卒 以上
採訪

邱文忠世業農誠朴好善康熙三十三年大饑施麵三
百二十石又施義地座暴骸施棺施茶無虛日由黃
土橋抵習陽城秋霖水漲車馬至是輒阻文忠併力
修五石橋東西亘十五里悉培爲長堤行旅便之忠
歿歲漸傾圯子國慶承父前功出二百餘金修補如
舊積善之家父子相繼云 參府
志

庠生謝應乾好義康熙四十八年歲大饑餓殍相望于
道乾出積粟三百斛召其鄰里族黨周之不索其償
人 姓兄 以已田九十畝 產業典售殆

黃姓兄弟至家仍以鬻田給還鄉里至今稱之

高昌字麟生年二十食餼于庠名動諸生間生平敦友讓重意氣與締交者弗渝車笠解衣問餉有俠士投贈風兄弟析箸時獨取荒頓朽敗者其仁讓篤實蓋天性也一日散步村外見一人臥田間迫視之血淋漓衣袂奄奄欲盡昌急呼僮人移入村內室中其人少蘇告以故始知爲某鄉趙某創賊刃者遣人馳報其家未至而傷者殞其父誣昌所害訟于官以其素封也昌曰奴輩利吾財耳苟梟獍訟成善尙可爲乎

西華縣志

卷之八

人物志

一二十四

吾所恃蒼蒼在上耳卒不與爭訟之數年邑令廉其誣爲之昭雪其鎮定如此以歲貢授虞城訓導病不赴任

以上採訪

武繼臣家貧行賈以養父母弟姪俱授之業有劉建極者祖父客死于華不克葬繼臣爲之葬埋而養劉姓弟兄二十餘年各爲授室其他率多類此年登耄耋時稱人瑞云

李國輔勇于行義雍正元年大水淹沒近城數村有南北溝一道久淤難洩輔與衆通之又以已田開東西溝四百餘步築堤水患遂絕孫峻極援例通

弟者四載每出售米穀量豐

並稱

厚云

以上
府志

金本澄好善喜施子貧民許之蘭于雍正九年歲荒無以自存鬻妻已授財妻號泣不忍遽去本澄惻然贈錢二千緡贖之許曰留此終爲餓殍耳無益也澄收養三年許生一子又代蓄貲財若干使別居睢州入顧成耗其行商之貲且盡年老病痿澄之舊識遂給養歲餘顧死又具棺葬之邑令介錫齡旌曰好善可風

西華縣志

卷之八

人物志

一二十五

高鳴九字聞天性長厚刻意篤行以醫藥活人甚衆父永臻習岐黃鳴九弱冠卽以儒醫名承父業也九素無財產而施濟如不及遇貧乏需參耆者陰予之不取值與兄思九異爨矣所得醫貲輒助其乏姪天祥妻死九爲再娶生子讀書膏火出于九有無賴者覬覦恃酒持刀辱詈九門三日閉門不與校無賴者以醉傷股九出藥療之後無賴者死其父無衣九養之十餘年死則備棺葬之世九之傳者姪子冲漢中表姪王習孔皆紉依九以養撫育甚摯故習孔得小康而冲漢亦得以醫術自養云

作幹庠生入太學性豪邁好義歲歉時紅蓮凹有
賴者窩容草竊邑人患之幹授謀于邑弁閭義 旦
助之直搗其穴殲其魁邵四患乃息鄉黨借貸力不
能償者幹卽焚券李氏族繁幹爲族長二十年爭論
不平者是非曲直片言卽服姪完璧懷一歲未週撫
之甚篤迄今猶承其餘蔭云

田粹珍好施與嘗立義學延師設教十餘年成就人才
凡有可爲者慨然捐施邑人有田善人之稱
宋良佐好善修橋梁以便行人建廟以妥神明雍正八
年邑中疫佐施棺以斂鄉里稱之

西華縣志

卷之八

人物志

一二十六

王季陽素樂善東門大路圯壞季陽獨力修之鄉里公
舉善人雅大中丞旌之

王福佃民也與人同宿逆旅其人遺失十金福藏之懷
中守而不去晨後其人倉皇急遽還尋遺金福與之
不受謝

尹明祥爲人和厚喜排難解紛濟窮周急兄歿事嫂有
禮撫孤甚周摯從弟族姪貧無葬具祥皆獨任之年
九十五卒其妻崔氏亦有賢德年九十八卒士大夫
稱其夫婦爲仁者之壽邑令介錫齡表其門子功定
貢入太學

李文耀好施予遇貧乏者必與母共周之妻劉氏亦好善歲稔以紡績所餘八百金命子上林助賑當事題請建坊旌之子上林候選州同幼喪父遵母命樂善不倦設義塾課里中子弟乾隆四年水民乏食濟隣佃一百六戶每戶穀二石共散穀二百一十二石青種二百四十五石修佃民敗屋一百七十四間貸銀三百金全活貧民甚衆

續縣志

王克君家素貧一日途中見人遺錢若干卽與之乾隆八年歲稔鬻飯度日又拾金于道坐以待之少頃一人還覓甚急過其門克君詢其故其人答曰有娶妻聘財一封失去克君與之毫無德色

西華縣志

卷之八

人物志

一二十七

生員李千李明昉季子深明經術兼通岐黃好施濟見義必勇張單口水決界連扶溝扶人以隣爲壑邑北之巨患也千與士民訴于官三年乃申請永禁以杜厥害又建義塾以訓士施藥餌以濟人種種善行邑人德之

賈國寶貧而好善募修思都崗石橋工價不足國寶鬚髮盡白鬻其地若干畝成工增石板今橋寬可渡車馬往來行人至今稱便

惠介惠直惠定兄弟同居六十餘年友于甚篤且相勉

能養惠慨

歿後又助之 有韓彪者家貧親老無以
之錢粟以全其志歲荒時所買僕人王春劉立
等豐年後各與之金令歸家養親永不再役其存
仁厚皆天性也介孫紹周直子雪定子舒並承先志
亦以北門內東偏宅基施爲義濟堂

高經元字洛生以邑庠貢太學性慈惠好周急族姪文
貧不能自立元資以四十金爲經畫文虧金將鬻屋
以償元沮之曰爾有此產尙不能謀生今更去之將
何恃以自存且吾之金原以爲爾利今致爾鬻產是

利爾者反爲爾害吾不願也取券焚之少與袁世彬
爲友彬家業中落元歲時周卹之彬將徙他邑又贈
之金杞縣人王成與元有舊寓華病故貧不能殮元
慨然曰是吾事也助之衣棺以葬鄉里子弟貧乏者
助其修脯膏火之需所成就甚衆邑令劉焜表其門
乾隆十年卒

秦世賢家貧樂善修葺橋梁孔道所需土皆肩荷背負
遠近稱爲秦善人杖頭挂竹篋收藏字紙朔望至小
陶集夫子廟焚之灰必送沙水中先是夫子廟僅草
堂三間世賢倡募易以磚瓦秉鐸王邠義其舉作

以勸邑令鄧尚友邑尉周彭年各捐俸助之由是士民踴躍捐輸計費金三百餘兩而江成乾隆二年世賢年逾八旬卒

李藍玉喜施予里黨有困苦者量力恤濟不計值亦不求報性嗜茶嘗自吟曰生當全盛大平日不減羲皇堯舜時七碗高歌容我傲寄形何必後人知

杜文萃善事父母尤好義族叔母王氏歿無棺萃助之歲祔外父母卒於三百里外萃備棺與歸以葬任醫學三十年貧不能醫藥者施之壽七十八而卒

以上採訪

劉世印華邑鄉人也仗信義好施與康熙年

西華縣志

卷之八

人物志

二十九

歲大饑印出財粟以貸是鄉貧民咸賴以濟累券至五百餘金及歲豐鄉民感義願償其直印對衆曰爾等價直是仍無以自存也悉焚其券紳士公舉善行邑令歸公旌其額曰鄉里稱善

王擢增廣生年二十二妻李氏卒遺子豹龍撫養之終身不娶提學李化龍題其墓曰制義夫王擢之墓

張一龍字文見貌魁梧有大度口不言人過常行田間見竊木綿者引身避之其人來謝辭以未見周人婚

惟恐不給施予之性始終如一

以上府志

雲骨子

府志載
雲谷子

不著姓氏未詳何許人携一僕駕短犢車載書篋以隨遨遊海內幾六十年所至輒授徒講學丰格嚴重察其論議動止深自晦迹似宦達聖朝者如靖難補鍋流亞其出處顛末雖親密門人莫敢叩焉豪於飲酒後耳熱人或以言餽之輒亂以他語終莫知其所由來也初至豫訪輝縣孫竒逢于百泉講道有契竒逢敬禮之姓氏嘗屢易在輝以過姓未幾去陽武以李姓又未幾渡河而南抵西華以金姓主於邑人王斌煥家斌煥善士也度其不凡師事之一時學者異其人多從之游其學力追宋儒大暢厥

西華縣志

卷之八

人物志

三十

旨制行以實踐爲要嘗述其師顧憲成之言曰講學者貴講所學耳不必遠求行住坐臥食息語默皆有帝則然非存養省察無由入也居數年有一士類稱雲骨長子自秦來訪門人爲之請見乃大恚叱曰謬留三日夜半其子密至寢室長跽榻前泣請甚誠卒叱之不應其子大哭而去不復來歲戊寅九十餘矣邁疾許州門人王斌煥迎至西華凡四閱月病劇問所苦答曰吾身雖苦吾心安之一日謂其門人曰吾從此逝矣整衣冠危坐而卒門人卜葬于邑西北十里無黨城

卽護
當城

刻石誌之所著述有大全子集大全

孫集二十餘卷于理學多所發明門人最著者王斌
煥而外則王元哲周碩輔梅聖修李象乾李作楨皆
砥節礪行不愧師訓云

按雲骨予隱華教授數十年
舊志載流寓今改載隱逸

王履順字養拙爲人倜儻權奇揮斥富貴讀書略觀大
意善爲詩詞又不屑拈筆時而鼓琴自謂有金石聲
好登臨不衫不履往往遇於幽岩碧水月徑雪橋間
藏書甚奇秘不與俗人見有一二風雅士則傾囊倒
筭以示之居常杜門却掃每出不過橋東飲甚豪脫
帽揮中旁無四坐此隱而逸者邑人稱之曰王處士
理安和字賡唐邕和從弟生數歲而孤從邕和學邕和

西華縣志

卷之八

人物志

三十一

爲蘇州府推官安和隱居不仕先是李自成破西華
得安和奇其貌曰秀才耶詭應之曰不識字賊使擊
柝居數月賊使毀民禾安和擊柝若不聞賊怒拔刀
加頸仍擊柝不已賊舍之其兄邕和死虔州安和哭
之曰嗚呼是固吾兄也夫急迎邕和母于家事之如
母邕和子習以蘇州副將死于陣子省三才數歲安
和教之成立授以田安和日閉門讀書不接世事友
勸之應舉不答固勸之勃然作色曰爾以我讀書爲
應舉耶裂其冠擲于地友驚走乃徐曰快哉吾今而
後爲天地散人矣盡束其生平所讀書及手抄諸本

金石文拓本 于室但存殘書一卷手不暫釋視之
則道德經也晚好養生家言著日記一卷性命圭旨
解若干卷等字一卷弟貞和亦從鬯和學以文章氣
節自負聲名蔚然卒于鄆有詩一卷

以上採訪

文苑

唐殷令名陳郡人手蹤為後代程式筆法精妙不減歐

虞參述書賦注金石錄按唐書殷開山傳祖不書仕陳為司農卿又按歷代名畫記米芾跋令名頭

陀寺碑云父開山也則開山乃不害之孫令名為不害曾孫無疑述書賦注以為不害子誤

殷聞禮字大端有文學書法妙過于父武德中為太子

中書舍人趙王友兼侍讀宏文館學士修梁史未就

西華縣志

卷之八 人物志

三十二

而卒

參唐書本傳歷代名畫記

殷仲容聞禮子最知名官至申州刺史唐書本傳善篆隸題

署尤精

張懷瓘書斷

唐李嶠序殷仲容書貞元中陸長源

為汝州刺史以為仲文書絕代之寶也

歐陽氏集古錄

殷台陳郡人書跡絕妙

牛僧儒辛公神道碑

明金良甫參政勵孫睢州學政闕颺子明季世祿之家

鮮克由禮良甫鍵戶誦讀不窺園圃者二十年流寇

殘破家無可居良甫於郊外借隙地呬唔其間雅好

陶孟諸詩寤寐不置其詩真醇大雅無佻達詭異之

習河南巡撫魏憲為之傳記云

胡慥字伯儒工書法出入于趙吳興米襄陽兩家索者空集幾如智永鉄限嘗與弟然吟弄花月所往還皆一時名士爲諸生四十餘年未嘗與人有毫髮競事母亦能曲體親心邑人稱之

劉景躍字躍如一字海鶴幼敏悟讀書輒數行下屬文如飄風驟雨不可遏抑早年入庠不專習舉子業以是屢躓雄才自放喜擊劍飲酒尤工詩集中送別懷人傷今感昔諸什激昂慷慨金石鏗鏘風格不減明季七子惜年甫三十而歿遺稿多散失邑人張遠覽與其友人扶溝杜廷機同邑周仲遠李百川校輯之

西華縣志

卷之八

人物志

三十三

共得三十二首鐫以問世標之曰劉秀才詩集膾炙人口猶韓陵之片石云

國朝貢生周公孫字碩膚博聞強記工詩文下筆數千言立就所著有日紀錄

張文麟字楚生好學能文三餘不輟補博士弟子員見賞于前輩錢晉侯以無紉袴習異于世俗子弟麟聞之益勵于學嘗與相者游相者曰君狀貌戍削精爽煙浮不免于三九之厄麟聞之甚惡其言果未三十而卒

張文齡字可庭讀書

數行千言立就所爲詩古文

絕

浸浸入古以需次 都卒

字淳民生平多否少可不合于時嗜古力

古文詞沉思力索幽雋超邁卓然自異與邑

楊安辯胡澣金鳳振諸人往來酬和主持騷雅

十餘年淮寧錢廷文博雅士也執弟子禮 香南

云惜其兩中副車賁志以歿所著有陰符經註離

經註抱影廬集子遠覽乾隆癸酉拔貢

張公裔字九徵幼聰敏工吟咏所著有誰庵寤言可園

集桃菴集江南施益曾評曰鼎彝古處山嶽特立風

西華縣志

卷之八

人物志

三十四

韻橫生天趣錯出裔由是名著學校士人推重之

以上

採訪

胡文極字敬夫幼嗜詩書午夜呶唔不輟父以過勞令

少休文極遂默識心通以慰親意弱冠應童子試以

府縣試第一入庠旋食餼中辛卯科副榜惜年甫三

十而歿子光勳光美蜚聲饗序光煦丁卯科副貢出

繼子希聖辛酉科選拔義學掌教八年士多出於其

門淵源有自不愧家學云

採訪

之八終

